

邦畿水利集說

邦畿水利集說目錄

卷之四

獨石水 紅山水  
龍門川 楊田河  
陽樂河 舊齒水  
大谷水 九泉水  
光谷水 乾溪水  
鵠谷水 亮峯水  
溪水 溫泉

白河 富河 牛家務河 郭河 駱駝港河

沙河 雙塔河 幢幢水 大水峪河 馮

家渡河 白馬關河 雁溪河 小泉河 七

渡河 清河 凉水河 芹城水 曲水泉

通惠河 玉河 潮河 黃門子河 乾搭河

黑城川 三藏川 道人溪

薊運河 鮑邱河 窩頭河 洵河 泗河

小河 馬莊河 獨樂河 周村河 逆流

河 沽河 陽河 砂河 龍池河 淋河

十河 清水河 冷嘴頭河 興龍口河 小

泉河 孟家泉 采亭橋河 柳沽河 渴河

魏家河 龍堂灣 泥河

便水 雙城河 韓城鎮河 沙流河

灤河 澈河 恒河 長河 清河 要孤水

漆河 別故河 淘金河 青龍河 白洋

河 溫河 白溝河 暖泉河

沙河 石河 大小水泊 海子長灣 王家河

清河 沂河 古懂河 大田泊  
龍灣河 唐家河 官渠河 泉水河

石溜河

洋河 松流河

渝河

隋河

飲馬河

附總論  
急工  
緩工

邦畿水利集說卷四

元和沈聯芳輯  
仁和杭世駿輯

京東諸水

謹按京東諸水自雍正初年 怡賢親王奏勘  
修濬後乾隆二十八九年方恪敏查辦水利獨  
京東並無工程今閱七十餘年河道變遷淤塞  
之處不一而足而寶坻頻年尤多水患治之亦  
不可或緩矣

白河 古沽水也亦曰潞河源出宣化府赤城縣  
流經口外入密雲縣石塘嶺關過密雲縣西又

考明史河渠志通濟河即  
白河也此云塞地宜塞  
和霧雲山為關河而富河  
留口河七渡河系乾河  
三里河俱會於此名曰白  
河南係通州合通志  
及榆洋諸河亦名此河  
二河合名曰真沽會  
河入海秦始置縣東河  
唐明皇運青萊粟浮  
海給出并兵家時通運  
關南俱資其利明勝元  
較焉

東為東河俱流至城南而合又南逕龍門山下  
名龍門川又南逕雲川堡東又南逕縣東門外  
又南逕龍門所南曰揚田河又南與陽樂河合  
為南河又東南經滴水崖堡南亦曰白河又南  
逕延慶州靜安堡又東至東河口由邊外逕順  
天府密雲縣之石塘嶺關至通州為白河水經  
注沽河出樂義鎮西北九十里丹花嶺下西南  
流出山逕漁陽故城西

白河在宣化府會流諸水

獨石水 在開平衛南源出東山

紅山水 在開平衛東源出紅石山

二水合流俱逕雲州堡入龍門川見方輿紀

要

龍門川 明一統志龍門川在雲州堡東合獨石

紅山之水從龍門峽南下故名

揚田河 宣鎮志河經龍門所城南二十里

陽樂河 即右陽樂水也東流至赤城縣界入沽

河水經注陽樂水出且居縣東北流逕大駟山



南逕懷柔縣東又南逕順義縣東又南逕通州  
北又屈逕其東南又逕香河縣西南折而東南  
入武清縣界又東南達天津府之三岔口歸海  
河入海此今日經行之道也漢書地理志漁陽  
沽水出塞外東南至泉州入海行七百五十里  
方輿紀要曰河源出宣化府龍門所東滴水崖  
東流入密雲縣之石塘嶺過縣西入通州界其  
支流亦從石塘嶺過懷柔縣西順義縣東入通  
州東境合焉東經瀋縣武清東而入直沽明一

統志白河自密雲縣與潮河合流至通州入直沽一名白遼河按白河兩岸皆白沙不生青草故名一曰白河自石塘嶺白馬關入故曰白河又以其逕潞縣又名潞河見水經注密雲縣境有石子壩一道嘉慶六年大水冲壞應修復其舊

又考白河上源發於赤城縣其在宣化府謂之沽河其源有二一曰獨石水由獨石口逕獨石城西為西河一曰紅山水由紅石山逕獨石城

小翻山北歷女祈縣故城南世謂之橫水又謂之陽曲河又東南逕一故亭又東左與舊鹵水合又東南逕旁狼山南又東南逕溫泉東又逕赤城西屈經其城南東南入赤城河

舊鹵水 卽龍門河也水經注水出西北山東南流逕舊鹵城北又東南流注陽樂水

大谷水 水發禦爰鎮北大谷谿南流逕獨石北界注於沽

九泉水 水導北川左右翼注入共成一水故有

九泉之稱南流注大谷水

光谷水 源出禦臺鎮城東北光谿西南流逕鎮

城東又西南流注大谷水

乾溪水 水引北川西南逕一故亭東又西南注

沽水

鵲谷水 赤城河之下游也東南流合高峯水

高峯水 水出高峰戍東南西南流入沽水

溪水 在延慶州東西海冶堡北門外水有三源

一出堡西南昌平州黃花路界東北流經堡西

至堡北有數源自西北來流合焉一出堡南東北流經堡東北與西水合又東北流三里出邊外入沽

溫泉 在西寧縣東順聖東城東二里又保安州東三十里亦有溫泉水經注橋山下有溫泉石池吐出能治百疾北流入溫水

白河入密雲石塘嶺後會流諸水

富河 即古濕餘水也一名溫餘河亦曰榆河方輿紀要濕餘河源出京都山至舊縣而伏又東

復出謂之榆河其發處為月兒灣故名溫餘河  
今上流已涸下流為沙河入順義縣境至通州  
會白河水經注溫餘水出上谷居庸關東又東  
流過軍都縣南又東流過薊縣北又北屬東南  
至狐奴縣西入于直沽河通州舊志富河在州  
城北源出宛平甕山口自昌平白羊口入經榆  
河下流為沙河至州城入潞河而畿輔通志謂  
其源出昌平州未知孰是

牛家務河 一名絳河源出牛欄山經西趙村過

絳橋至王家渡入潞河

潞河 在通州南自蘆溝分流至廢潞縣西折為

三股其一為潞河東入白河

駱駝港河 名勝志駱駝港源自三河縣之負兒

山流經香河縣北入白河

沙河 昌平州山水記沙河店南有水出昌平州  
西南五十里龍泉寺合西山諸泉東流為南沙  
河店北有水出昌平州西南四家庄逕雙塔村  
東流為北沙河二水至店東南寶家庄而合又

東南至通州界入白河

雙塔河 元史河渠志雙塔河源出昌平縣孟村

一畝泉經雙塔店而東至豐善村入榆河又陽

峪河在昌平州西亦名陽峪川源出石縫山下

東南流入雙塔河

幢幢水 在昌平州西北虎峪山下飛瀑如布流

二三里至鵝鵠岩隱流不見或云舊治西北城

下虎眼泉是其復出處流入榆河

大水峪河 在順義縣北二十五里自懷柔縣流



入東南流至牛欄山東麓入白河

馮家渡河 在密雲縣九十里源出口外自馮家

峪口流入白河

白馬關河 在密雲縣北一百里源出口外自白

馬關口東流入縣界折入白河

雁溪河 在懷柔縣東八里源出塞外自開連口

入界南流經大水峪河入白河

小泉河 在懷柔縣東三里源出虹山由采家里

入白河

七渡河 水經注七渡河出北山黃頌谷亦謂之黃頌水東南流注沽河懷柔縣志七渡河在縣南二里即昌平州之珍珠泉也南流入縣界至城東南入大水峪河

清河 在宛平縣西北山水記土城關北十二里為清河其水出玉泉山分流而北逕此又會于沙河入于白河

凉水河 畿輔通志謂其發源宛平水頭庄東南流入海子內經馬駒橋至張家灣曰南新河東

入白河恭讀乾隆三十八年

御製重修馬駒橋碑記詳示涼水河源內云水自南苑  
出者二其南源曰團河其北源曰一泓泉出新  
衙門北屈曲東南流逕二閘涼水河自北來會  
之涼水河者出右安門西南鳳泉東流逕萬泉  
寺分為二其一南逕草橋曲折東注一自北逕  
廣恩寺曲折東注至水勝橋復匯為一東南流  
循南苑繚垣而東至小紅門之西入苑牆東南  
逕沙底橋折而南與一畝泉合又南而東至鹿

圈村三海子以上之水自西南來注之又東南  
流穿苑垣而出逶迤至張家灣入運河按此則  
凉水河亦一巨流也

芹城河 在昌平州東北二十五里水經注芹城  
水出北山芹城東又南注于濕餘水

曲水泉 在順義縣東北二十五里泉水湧出南  
流入白河

以上諸水俱入白河

通惠河 亦名大通河源出昌平州白浮村神山

泉西南會一畝泉馬眼諸水又經宛平縣玉泉山東繞甕山匯為七里溝東入都城西水門貫積水潭又東從月橋入

內府南出玉河橋水門合南北城河經大通橋至通州分流一自舊城西水門流入城內至東水門出統城南流至南浦閘瀉水至張家灣入運河其土壩運漕至中西二倉水道即由此一自舊城西水閘分流至北門外葫蘆河是為石壩又從滾水壩瀉入運河其石壩運漕至京倉水

道即由此一自新城西門外統新舊城南門出  
南浦開與東水關繞城南流之水會入運河元  
史河渠志世祖至元二十八年都水監郭守敬  
建言䟽鑿通惠河上自昌平縣白浮村引神山  
泉西折南轉過雙塔榆河一畝玉泉諸水至西  
門入都城南匯為積水潭積水潭即西海子燕  
都遊覽志積水潭在  
都城西北隔東西豆二里南北半之西山諸泉  
從高粱橋流入北水關通此或因內多植蓮名  
蓮花池或因水陽有淨業寺名淨業湖從德勝  
門橋東下稍折而南直環北安門宮牆左右流  
入禁城為太液池俗呼海子套東南出文明門東至通州高麗

庄入白河總長一百六十四里一百四步工成  
賜名通惠明世宗實錄嘉靖六年十月巡倉御  
史吳仲書通州運河元郭守敬創建已有明效  
今通流等八閘遺跡尚存原設官夫具在因而  
成之為力甚易請以臣言下戶部定議上命戶  
部侍郎王軌工部侍郎何紹及仲董其事軌等  
言通流閘經二水門南浦上橋廣利三閘皆衝  
市閘間不便轉運從溫泥河濱舊小河廢堰西  
不一里至堰水小壩全通晉濟閘則徑易可省

四閘兩閘轉搬之難從之

玉河 即金水河也源出宛平縣玉泉山匯為西

湖分流入德勝門西水關逕海子入

大內從金水橋流經玉河橋出正陽門東水關至

東便門東水關出注通惠河

潮河 古鮑邱水也源出古興州自密雲縣古北

口流逕縣西合于白河水經注鮑邱水出禦爨

北塞中又南逕密雲戍西禦爨北塞合廢興州  
地密雲戍即古北口關也水經注又云鮑邱水



西南歷狐奴縣又西南注于沽河今順義縣漢  
狐奴地也

謹按方輿紀要舊曰潮河自密雲逕順義縣  
而合于白河又分流由三河寶坻而合于沟  
河統而計之密雲之潮河即寶坻之潮河今  
薊道支分名異總一鮑邱水也明嘉靖三十  
四年遇朝河不使入順義竟由密雲合白河  
又水部備考自密雲城西楊家庄築塞新口  
踴通舊道令白河與潮河合流至牛欄山水

勢甚大故通州漕運得達密雲城下是潮河  
之在密雲者合白河而下達于通州即今所  
云北運河也

黃門子河 在密雲縣東九十里源出黃花關口  
泉西流入潮河

乾搭河 在密雲縣東北百四十里源出口外自  
黑峪關流入西流經古北城內會清水河又西  
南入潮河

黑城川 在密雲縣北四十里平頂山後流入潮

河

三截川 一名三城水在密雲縣東北其水分三  
派曰西截川東截川中截川中合處曰三截口  
下流入于潮河

道人溪 在密雲縣東北石盤谷發源龍門流入  
潮河

以上諸水俱入密雲縣之潮河其入寶坻縣  
潮河諸流歸附薊運河後

薊運河 一名潮河即密雲縣潮河之分流由三

河寶坻至寧河入海畿輔通志謂其源出遷安  
三台營會遵化薊州諸山泉之水蓋來源甚繁  
沙河沽河洵河淋河黃頌諸水皆會焉洵京東  
一大川也方輿紀要寶坻縣潮河一名白龍港  
其上源一自黎河一自洵河至縣界三岔口合  
流亦曰運糧河東南入于海寶坻縣志潮河在  
縣東二十里會洵河沽河東南至縣東九十里  
名豐臺河亦名懷襄河其南流過梁城所蘆臺  
抵北塘口入海

明景泰二年由北塘河口開引  
新渠由是天津糧艘由直沽運

寶坻縣之潮河而上考薊運河源出遷安縣  
于薊州故謂之運糧河考薊運河源出遷安縣  
三台營會遵化諸山泉之水俗名沙河逕遵化  
州城南西南流至張七各庄折向西流逕水門  
口湯泉自西北來入之又西南入薊州東界淋  
河合興龍口之水自北來會焉又西南至南河  
庄薊州北山諸泉水來入之逕城南五里橋迤  
邐西南流逕上倉折向南流至下倉折向西流  
至嘴頭村洵河合周村黃頌等河自西北來會  
之至白龍港入寶坻界淤泥河自西南來入之

折向東南流逕新安縣至小河口小泉河合藍  
泉水自北來入之逕曹家口頭折而南至于家  
口頭逕還西南流至大沽庄復折而東南至王  
家庄又折而西逕長亭店復折而南徑八門城  
畿輔通志八門城河在寶坻縣東七十里潮  
水逆注受其灌溉者有七十二沽居民利之逕  
還東南流至盛家庄還鄉河北支自東北來會  
又東南至江漢口還鄉河南支自東北來入之  
逕梁城所北分流環城仍合于城南又東南逕  
蘆台軍糧城會天津新河入海新河在寶坻縣  
東南自直沽河

四口起至北塘河口止長  
十里明天順三年鑿

謹按薊運河受十餘河之水源多汎繁每當  
汎發寶坻地最窪下首受其害自 怡賢親  
王奏請自三河縣料馬庄起至寶坻縣之江  
漢口一百八十餘里間起築長隄永為保障  
復于魯沽庄建石閘一座長亭莊張頭窩各  
建涵洞一座民享其利數十年于茲矣今自  
甲寅以至辛酉八年之中水患頻仍非舊制  
之不善寶水道今昔異形矣自宜另為相度

用前人之成法就今日之地圖變通裁制實  
抵濱海不遠治之非難是在任用得人耳

鮑邱河 源出密雲北還三河縣之夏店東南經水

注鮑邱水又東南入夏澤日知錄合三河縣西  
有夏店疑因古夏澤為名今夏店有箭杆河即

其地徑虎將庄入寶坻界方輿紀要鮑邱河還

三河縣界至寶坻縣合洵河為舊日潮河分流  
按此則 怡賢親王所控鮑邱河亦潮河故道

也東還縣北齊河務蕭家封東南至王補庄與

窩頭河會過林亭張家庄至周家庄東南還尹

家庄又東由八門城入薊運河



窩頭河 即蒼頭河一統志在者河縣西北二十

里上通牛欄山水窩頭庄水下通三路隄口一

由李家園坑隄口入北吳村一由明星堂抵口

入甘十八隄口一由東<sup>凌</sup>莊尹家河沙務庄張

家灰店南吳村牛家屯入板畧口運河按此河

相傳為蕭后運糧河水本無源伏秋汛發衆流

會于窩頭經香河縣吳村百家灣東與渠水合

流東逕七里庄入寶坻縣界東過城南之西石

橋至王補庄與鮑邱河會

謹按通州烟郊以南之水皆匯于窩頭河本  
有二股一股南入運一股東達寶坻 怡賢

親王奏請將南股疏通深暢俾八分歸運河  
分入吳村者無多而七里庄一帶惟時已難  
開鑿然考香河縣東北舊有蒲冶河流貫縣  
城出東門流十八里名牛家港又二十里匯  
為七里庄河東逕寶坻縣界入海蒲冶乃獨  
自入海之河其經流處溝槽必深總有淤積  
不至費工濬而通之亦為下必因川澤之意

也

以上二水會流入薊運河

洶河 源出口外流入平谷縣又東北逕三河縣

東北折而東至寶坻縣會潮河入海亦白曰渠河

水經注洶河出右北平無終縣西山白楊谷西

北流逕平谷縣屈西南流又東南逕平谷故城

東又南逕缺城東又東逕臨河城北屈而歷其

城東側南出入鮑邱水方輿紀要洶水一名廣

漢川發源黃崖口西南流經盤山之陰入平谷

縣為洵河又南入三河縣又東南流入寶坻縣界

洵河 方輿紀要洵河源出密雲縣石義山流逕平谷縣東南流入三河縣東南入洵河 按今石義山隸懷柔縣山中並無泉源惟石義山南不十里太保庄山下出泉流逕平谷三河或即洵河源也

小河 在三河縣北十五里源出靈山西流入洵河

馬莊河 在平谷縣東三里源出縣東北海子庄

南流入縣之洵河

獨樂河 在平谷縣東北二十里或伏或見斷續

不常西流入洵河

周村河 源出口外流至平谷縣西十里入洵河

逆流河 一名小碾河在平谷縣南八里源出泉

水山西流九十九曲入洵河

沽河 即淋河之下流也西南流與洵河合而為

白龍港方輿紀要薊州沽河自陽河以西洵河

以東諸水皆會焉志云沽河在通州者為西路水在薊州者為東路水薊州志沽河東接遵化玉田交界處至州南紀家窩而南行至下倉店轉而西南行至嘴頭庄與洵河合流轉而東南行由白龍港至曹家口頭庄

陽河 在薊州西五里亦名五里河源出州北蘆見嶺口南入沽水水性暖遇寒不冰故名

砂河 在薊州西二十五里源出盤山經沙嶺之麓東南入五里河

龍池河 一名漁水源出薊州北之鷲臺下潄為

鵝湖南流經州城西又東南入沽河

淋河 即梨河遵化州志梨河經州西南與諸水

合名合河一名張子河入薊州界為沽河薊州

志淋河源出遵化州合陽河清水河流至淋河

庄入境東南流至夏官屯合沽河此河本名梨河因淋梨二

字音相似今遂誤為淋河

十河 源出口外合衆流而南經遵化州東又西

南入梨河

清水河 在遵化州西六里源出導溝峪經州西

南入水門口又西入張子河

冷嘴河 在遵化州西北二十五里入張子河

興龍口河 在遵化州西北六十三里天臺水所

匯流也南流入張子河

小泉河 在玉田縣東北源出小泉山經城東孟

家泉達城南光沙泉

光沙泉一名煖泉在玉田縣南三里泉湧沙出淨細

光明土人取以攻玉亦見寰宇通志而南匯為一河入寶坻縣白

龍港名勝志小泉山在玉田縣東二十五里上



有泉出石罅西南流入白龍江

孟家泉 在玉田縣東五里自小泉至孟家泉僅數里凡一百二十餘折而達鴉鴻橋入薊運河

以上諸水皆會于洵沽林諸河入薊運河

采亭橋河 即古藍水也亦名藍泉在玉田縣西二十里有采亭橋源出縣東北三樂台山西南流會螺山寺泉南流至寶坻入潮河水經注藍水出北山東屈而南流經無終故城東燕山蔽錄玉田縣西北有水其水蔚藍可愛曰藍水其

土如靛蓄靛者恒取土和靛賣之

柳沽河 方輿紀要柳沽河在寶坻縣東北三十里玉田縣之水匯流入縣境曰柳沽河下流注于白龍港

湯河 在密雲縣東北七十里源出司馬台關口泉南流西折貫古北營城中西出又南入潮河魏家河 在遵化州西北五十里源出鮎魚關流入湯河

龍堂灣 泥河 二河俱在豐潤縣南西流入薊

運河

漕水 即古唐水也燕山叢談凡水皆自西而東

此水獨西俗謂之還鄉河方輿紀要漕水一名

還鄉河或謂之雲漕水

方輿紀要玉田縣庾水即豐潤之漕水源

出遷安縣泉莊

一作莊

黃山之麓至岩兒口入豐

潤之東北界又西迤五峯頭至韓家崖頭迤迤

西南流至窪答村折而南迤東馬庄又折而西

迤豐潤城北迤迤西南流至張官屯入玉田縣

之東南界又西南至蠻子營沙流河自北來入

之逕鴉鴻橋至運河頭復折而南自此河身頓  
狹斗折蛇行至趙官屯分為二股一西南流逕  
楊子庄牛兒頭至盛家庄入薊運河一南流逕  
九丈窩豐台鎮至江漢口入薊運河水部備考  
明初用遮洋船從直沽入海轉餉薊州天順二  
年開直沽河歲久復湮嘉靖四十五年詔濬豐  
潤縣還鄉河轉運太平等寨軍餉于北齊庄張  
官屯鴉鴻橋特設三閘以蓄水焉

按漕水源竣流紆向有九曲三灣之稱數為

豐王宮康熙四十二年決運河頭奪流而西  
至雍正元年始塞決口 怡賢親王于劉欽  
庄王水匠庄迂曲處各開直河一道由是分  
洩多塗久無冲決之患然堤堰殘缺河中弩  
嘴淤沙到處皆是是有司寔力疏濬凡其  
潰而為害者皆可因而為利也

雙城河 在玉田縣東二十五里源出常山旁無  
堤堰每泛濫為害明萬歷中縣令葉重第嘗濬  
渠引入還鄉河

韓城鎮河 在豐潤縣南五十里韓城鎮源出車

軸山流經鎮北又西流會還鄉河

沙流河 在豐潤縣四十里源出縣北五十里之

堯峪山下流至兩山口又西南至姑嫂橋合還

鄉河

以上三河均入漚水

灤河 即古濡水也源出宣化府炭山東北流逕

古北口邊外又東南流至順天府遵化州由團

亭塞入遷安縣境又東南逕盧龍縣南又東南

逕灤州東又東南逕樂亭縣西又南入于海漢

書地理志漁陽郡白檀濡水出北遼西郡肥如

濡水南入海陽

按白檀之濡即肥如之濡顏師古漢書注以肥如之濡音乃官

反白檀之濡音呼賜反世遂疑其為二及考水經濡水篇郡注引白檀之濡甚明非有二也

水經注濡水二源雙引夾山西北流出山合成

一川東南入安州界逕漁陽白檀縣故城又東

南逕盧龍塞又東南流逕令支故城東自孤竹  
城東南逕生鄉北又逕牧城南分二水北水枝  
出世謂之小濡水東逕樂安亭北東南入海濡  
水東南流逕樂安亭南東與新河故瀆合又東  
南至衆縣碣石山南入海元史河渠志灤河源  
出金蓮川中由松亭關北逕遷安東平州西瀕  
灤州入海也方輿紀要灤河源出宣化府西百  
二十里之炭山東北流逕雲州堡北六十里馬  
營堡南二十餘里又北流逕故桓州南入舊開



平衛境東南流古北口邊外小興州東又東南  
與九流河及諸山水合勢始大由遵化東北團  
亭塞入內地經永平府遷安縣至府西又經灤  
州東至樂亭縣南入于海

謹按灤河導源宣府下達樂亭千里而遙其  
下游往往不雨而水驟至灤州偏涼汀以下  
西樂亭東昌黎兩岸舊有隄岸通年殘缺日  
久水至輒為田廬害然距海不遠水去亦速  
故百姓于隄防不甚加意苟其勤加培築事

省而功倍何憚而久不為此又考明李實北

使錄灤水濶不盈丈而中甚深其色青綠土

人呼曰高都以今河考之莫詳于宋琬永平

府志今節錄于後灤水于開平界東流七百

里為九流河此其西北道也逶迤而東有柳

河自西來入之

柳河即遼史所云自松亭起柳河者在道化州北口外

灤河又東寬河自都山以西來入之

寬河水產金沙

一名彩河流百里入灤都山在延安又東南

縣北百里元史亦謂之烏都山也

過潘家口鐵門關水注之

鐵門關水源出口外自鐵門關入口

又西出善峯又東入團亭塞口內地矣又東口而入于灤

南還桃源庄與澈河合又東至中峯山與恒河合又東過唐山與長河合又東至官寨與清河合又東過黃台山之箕石去迂安縣三里納要孤水灤河至此其勢愈大每夏秋水盛波濤澎湃渺若江湖又南入盧龍縣界又南出其縣西過清節廟即夷齊廟又南至虎頭口與漆河合俗傳為漢李廣射虎處又南至偏涼汀入灤州界與橫河合偏涼汀南去州五

里其地山環水繞林木森爽無風自涼故名  
灤河又南逕巖山石橋與副故河合又南五  
十里至岳婆婆港入樂亭縣界東岐為二左  
曰胡盧河由縣東界南流入海今淤右曰定  
流河由縣西北至劉家墩入海二水青黑而  
灤河清碧入海五十里不涸是為綠洋溝土  
人亦名強河

入灤河諸水附

澈河

在迁安縣西北一百六十里源出口外由

龍井關流入至縣西漢兒庄南東注灤河永平  
府志灤河之源正一旁二一曰黑水自龍井關  
口外七十里喬家嶺河多石溢涸有常發于半  
嶺由三台關南入一曰橫水南自洪山舊關嶺  
西從三道嶺雨溢則深二丈廣倍之晴則廣不  
過丈深尺合關北出口外孤石西入灤其正源  
自黃崖陰過大安山後黃門子二百餘里會橫  
水而入龍井關合黑水過漢兒庄統鈞台北至  
桃原庄入灤

恒河 亦曰橫河在迂安縣西北一百里永平府志恒河源出三屯城西景山王四家峪流達城北而東三百里會山麓諸流廣二丈深數尺至迂安中峯<sup>西</sup>南與灤合

長河 在迂安縣西北九十里永平府志灤通唐山合長河河自口外轟門龍鬚三岔入董家口而東下及青山關營合駐操營南太平營西二十里為下稔子口入灤河

清河 在迂安縣西北七十里有二源一出大嶺

塞西二里之溫泉一出口外之水湖洞至城子

嶺合流而入口送大平寨合蛤螺河

蛤螺河即口外之乾

河川亦由城子嶺而東與清河合流

過長峯嶺至官寨下入灤

要孤水

在迂安東三里亦曰三里河源出迂安

北小寨南遷要孤山麓南至盧溝堡注灤

漆河

源出口外土人亦呼為烏填河入桃林關

鹿尾山諸水會之又南經燕河營合青龍河又

南經盧龍縣而又南至虎頭石與灤河合永平

府志漆水源從境外十八盤北旱落兀素百五

十里阿老谷泉至蔡家谷合下二百三十里為  
三岔口又二十里土人呼為烏填河入桃林關  
鹿尾山諸流會之南行之峯山西注于燕河按  
漆河即古元水也水經注元水出肥如東北元  
溪西南流右合盧水肥如故城在盧龍北地界  
桃林關元溪即府志所云鹿尾諸山水也盧水  
即青龍白洋二河桑欽所云盧水二渠大沮小  
沮合而入元者也漢書地理志肥如盧水南入  
元水元水東入濡今青龍白洋入漆漆又入壩



則漆之為元無疑

別故河 在灤州西南其源有四一出縣西北二里廟兒山東逕柏樹庄高家坎至演武亭此正流也一自演武亭東北逕蓮花池是為金魚泉一自叢豆灣過巖山而下是為玉帶河一自劉官營而東是為五里河四流胥會于演武亭西堰而為別故河經巖山石塘下合于灤河者是河逼近城垣年久淤塞雍正四年 怡賢親王奏請䟽通舊道不惟城堙不受浸噬西南負郭

之田皆資浸潤之利

淘金河 在盧龍縣西南源出筆架山東北諸山谷中西流入灤河其水產金地名沙金廠

青龍河 一曰涼河即古盧水之小沮也源出都山東由冷口關流入遷安縣建昌營南與白洋河會又南遷盧龍西南入于漆盧龍縣以此得名水經注小沮水發冷溪世謂之冷池又南得溫泉水口注之又南流與大沮水合而為盧水也永平府志謂涼河者乃青龍源從都山東

南龍王廟豹崖之三岔又二十里合寺現崖三  
溫泉十里入冷口關冬暖夏涼謂之冷池至建  
昌營南六里為峯山青龍過而下至孤竹故城  
之陰中流有石為砥柱焉

白洋河 在遷安縣東北四十里即大沮水也源  
出白洋口流逕石門堡至建昌營南合青龍河  
水經注盧水出肥如縣東北沮溪謂之大沮又  
西南小沮水注之合為盧水入于元

按青龍入口而為冷池正郡道元所云小沮

水發冷溪者也白洋入口而繞石門即酈道  
元所云水出沮溪謂之大沮者也青龍以出  
冷溪故燕涼河之稱漆水以合青龍故又兼  
攝青龍之號近志竟以青龍為漆水而以白  
洋為小沮于是求所謂大沮而不得遂以盧  
龍東南之白溝當之悞甚

溫河 源出部落嶺西南流入漆即古溫水也俗  
曰肥如水水經注溫水出肥如城北西流注于  
元永平府志城北十二里溫泉曰肥如水初由

上水閘入城中行繞出下水閘注漆數經水志  
乃塞上閘堤水由城外西行南流入漆

白溝河 即古陽樂水也在盧龍縣東南十五里  
西流入青龍河水經注陽樂水出東北陽樂縣  
西南入于沮水謂之陽口永平府志古陽樂縣  
東北陽山出泉曰白溝過大石如槽俗謂之驢  
槽其西南為陽口

暖泉河 即古溫泉水也在遷安縣東北五十里  
源出劉家口西有泉三湧出如瀑布并流為河

至徐流營南入青龍河水經注溫泉水東北溫  
溪自溪西南流入小沮水永平府志劉家關西  
之煖河過徐流營北溫泉長流可稻 按此乃  
遷安之溫泉非盧龍之溫水不可混而為一

以上諸水皆會而入灤河

沙河 在遷安縣西北四十里源出縣西北橫山  
之赤崖永平府志橫山在遷安縣西北五十里  
其下寺曰赤崖泉突出而南為沙河經好樹村  
東流至松谷庄合石河過七家嶺至院頭與王

家河合至新庄東草子屯下合衆流經沙河驛  
至灤州西四十里海子崖庄長灣入之大小水  
泊經孫家溝永登屯入之經柳林庄自宜安社  
迤邐而南至北柳河社經豐潤越支社界轉東  
南達于海

石河 在迁安縣西三十里源出縣西北橫山之

血石嶺東流入沙河

會合之處也  
名劉金庄

永平府志橫

山前為血石嶺石色如之有泉清冽可掬冬草  
青花白雖嚴凜不槁為石河之源河多石故名

按永平府有二石河其一在撫寧縣東源出口外流經石門寨又東至山海關合南北二關河至南海口入海此則在遷安入沙河以入海

大水泊 在灤州西南七十里源出土山任郎庄流經赤垵社曰漢王渠南播為小水泊又逕孫家溝永登屯合沙河

海子長灣 在灤州四十里產菱芡魚蝦下流入

沙河



王家河 在灤州西一百二十里源出曹家口社  
會沙河建海

以上諸水皆入沙河

青河 在灤州南二十里相傳爲秦漢以來漕運  
故道發源州西五子山東五里有大泉騰沸流  
迺州南八里曰八里河又經料馬台邱官營伏  
入地中俗名地橋又東南二里經閻家庄復現  
爲龍溪亂泉突湧分爲二派一出南閻頭東南  
行一百三十里經樂亭西南馬頭營達綠洋溝

入海是為西清河一經龍亭寺其水清可鑑亦  
名清水河又西南經破橋又西合沂河折而西  
南至沙溝又六里至澤頭合古懂河又西南經  
高家庄合大田泊又南至公安橋又西南四十  
五里至蠶河口入海

沂河 在濰州有大小二沂河即古素水也水經  
注素水出今支縣之藍山南合新河又東南入  
海濰州志大沂河在州西十八里源發盧龍縣  
馬家庄經栗園折而南經三岔院折而西轉佛

住山南經楊家院合董家灣又東南經芹菜山  
波落橋又南合蓬台港又東南經于家泊入青  
河又有小沂河在州西十二里發源烽火山東  
經招頭過雙山入大沂

古懂河 在灤州南四十里源出傍城南流經石  
橋入青河

大田泊 在灤州之南獨莫城南雖旱不竭流入  
青河

以上諸水俱匯青河入海

陟從

河 在灤州西一百二十里其上源曰館水方

記要作源出迁安縣館山南經羅家嶺小龍皂

角二灣又經梯子嶺至偏山臨水院又合黃花

港入牯牛橋為牯牛河又西南至榛子鎮東南

會龍灣河又西會唐家河而至州西八十五里

之雙橋會板橋水即豐潤之泉水河也又南經

石城為石溜河又南經唐山橋名大河又南與

帥家河合為官渠河入海自石城以南灤州與豐潤分界陟河在豐

潤縣南三十五里

龍灣河 在灤州西北九十里發源羅家嶺南三

里南經皂角灣梯子嶺亦名黃崖河至榛子鎮

東五里橋合暖泉入牝牛橋河

暖泉在州西九十里

唐家河 在榛子鎮西源出狼窩鋪崖下東流逕

冷家灣南入牝牛橋河

官渠河 陟河帥家河下流也帥家河源出灤州

西六十里白雲山南之水峪西南經孩兒屯官

套至石城東又西南為小河又西南與陟河合

而為官渠河又西南由豐潤縣南入灤州境達

于海

泉水河

源出豐潤縣東北水頭山有泉二泓噴

出如珠南經王官營達于板橋有灤州之團山

瀑布水自松梁社來匯為板橋河又南逕峰山

入陟河

石溜河

獅子灣在灤州西七十里潯洄靚碧東

流為石溜河會于陟河

以上諸水俱會陟河入海

洋河

一名陽河在遷安縣西里許源出界嶺口

外裂坨山流經縣東南紫荆山下入海

松流河 在撫寧縣西北十二里源出奴望東山

中流經背陰鋪至石河庄入洋河

渝河 在撫寧縣二十里源出口外遼縣東北偏

頂山之平臺合蚰馬寨前水東南入于海方輿

紀要渝河源出塞外古瑞州境東南流至連峰

山西一名獅子河出菱芡蒲魚為民利亦名泥

蒲河又南入于海水經注臨渝有渝水首受白

狼水東入塞外又有侯水北入渝

陷河 在灤州南五十里源出州西南五十里於  
家泊會破風港于伶城西其北十里為龍堂河  
源自李家庄流為七里港又北十里為吳家河  
源自清河又有繩家河源自榆子林社遊觀庄  
肇流胥會伶城而與陷河合經曲王店孫家坨  
至王塚港瀟漫于白沙坨南又經胡家庄至印  
步甸別為周家河又西經梁魚溝南經天井達  
蚕叢口而入海

飲馬河 在昌黎縣南五十里源出盧龍縣界谿



谷中流經縣西安山下又東流為沙河至縣西  
十八里合深紅河又東南流至縣南八里有紅  
橋跨其上金人所置也又南合潮河北潮河在  
昌黎縣南  
二十五里亦名馬家河下歸  
七里海非密雲之潮河也

昌黎縣境南有深紅河安山河梭頭河繞灣河  
俱入飲馬河

謹按直隸河道源流惟京東諸水別為一途其餘自覃懷以北太行恒山以東數千里之水羣趨赴

京師之南會於直沽以入渤海昔汪應蛟有言易水可溉金臺唐水可溉中山滏水可溉襄國滹沱可溉恒山漳水可溉鄴下近代以來薊永豐玉津壩等處營成水田並有成效使盡因其利而利之畿南不皆為沃野乎然利之所在即害之所伏其在

聖祖

世宗年間浹池源廣未墾之地甚多故當日王河督新

命 怡賢親王查辦興利之處居多迨乾隆二

十八九年間制府方恪敏時除害興興利泰半

今則惟求除害矣水非加多地非加少果能求

其致病之處而力為除之利之所興安見今不

如古哉願以今日全局大勢籌之其中極難者

有四

○ 一永定河自建陝以後新雄固霸一帶永慶安

恬惟隄內流沙易積隄埝亦屢經改築考康熙三十九年之河在今南岸之西西老隄之東雍正四年之河自五工至永清縣水窖村西轉而東至王慶坨入三角淀今之舊南北隄是也乾隆十五年水窖草堤改河則又由雍正年間之南隄出口循康熙三十九年之東老隄東入葉淀乾隆二十年于北岸六工二十號改下口則又開雍正四年之北隄放水東行今自順水堤以下雍正四年之舊南

北隄猶存而河身皆成淤地矣。自六工以下，凡有窪下堪以行水之處，俱已變為高原。舊隄遠墟之間，業已無路可為導引。為今之計，惟有用陳觀察儀仍復南行故道一說，較為得地。蓋永定河舊由看丹口逕固安縣，至霸州入會同河。今金門關減水引河，即其故道。昔以無隄而受衝決之患，今若束以長隄，導之南注，藉清流以刷濁水，仿江南蓄清敵黃之法，雖不能保其久而不變，然三五六十年之

間安瀾可必矣

一東淀滙畿南全局之水有翁受停蓄之用今  
日就淤淺非人力所能開挖兼之三角淀葉  
淀沙家淀俱經聞積無可分瀦惟與南北兩  
運奪三岔一門以入海此適年泛漲之所由  
來也陳觀察謂清水無路歸津必至測注楊  
柳青一帶穿運而過縱未必需然而水壅必  
潰津門寔有堪虞今若于靜海縣權家口北縣  
三里許添挖減河一道俾三岔口少洩一分南

運之水即多洩一分東淀之水況該處減河  
雍正年間 怡賢親王業經奏准因冲決之  
路而因勢利導旋以積水而止在昔日開之  
為南運分減之法在今日用之即為讓流東  
淀之計不特與淀有益即與運河亦屬有裨  
變而思通寔不得已之補救也權竅口既開  
再將淀池葦草鳩集人船大如鑊使水中  
根葉淨盡自無掛淤之病然後再謀用船撈  
泥如陳觀察所云設游船募役夫可以斟酌

變通行之誠今日治浚之要著也

一、濬陽河弱不敵濬，苟非急為調劑，濬沱必將南徙。查濬沱得治水之助，勢益兇悍，其先濬陽之不受倒灌者，賴有小漳河之助耳。自康熙三十六年漳水南由館陶入衛，濬陽無助，弱不敵強，然其先北泊寬深，尚能容蓄，自乾隆五十九年以後，北泊淤平大半，濬沱頻決東隄，其不至東淹新冀者幾希矣。今若于上游塞治河入濬沱之路，俾循故道各自經流。



合沒助溢以敵濠此萬全之策惟治河故道  
逕由樂趙境內隄埵橋座必須另為改建所  
費浩繁此亦前人舊有之議非敢創說也

一文安居九河之下梢素稱水鄉歷來籌議河  
防如王鳳靈姜揚武并濟博紀汝清諸公俱  
熟悉川源兼權利害而迄無良策以為長久  
之圖嘉慶六年大水之後長隄蕩決居民皆  
以任其通流不復以築堤為事夫當水壅未  
退之時自宜留其去路以為宣洩迨水已消

退自當仍舊築隄以防外水之入從前初築  
隄時大窪左近取土較難適年隄根日就高  
積雨水不來自然漸露灘地培築較易何憚  
而不為為今之計治文安之水施工不必盡  
在文安境內一開通勝芳舊河使水由東趨  
再于上溝開中亭河以分其冲突之勢一修  
復唐安橫隄長城老隄以禦河間北流之水  
一修築烹耳灣橫隄以防西水橫隄開坐落雅  
保二縣南自  
雄境小五東村起北頂保定縣十里長隄計長  
三千一百九十七丈為文安西障禦五官淀

泛漲之水五官渡上承唐洋二河之流向有  
王村閘宣洩今王村閘已改築土堤而五官  
渡又淤滿不能容水故構隄尤易潰決橫隄  
既修宜并王村閘修復其舊歲橫隄可保穩  
固如是則西南兩路無來水而大隄之外水  
分勢緩即遇澇年縱不能保其無水而區區  
本邑積潦所淹無多不此之務而欲任其蕩  
漾冀圖受淤營田何計之左歟又考康熙三  
十三年徐司馬元禹輯篆文邑有立圍田製  
水車量水盈縮導引出入議于保定境內立  
閘引水以防旱于縣境龍堂灣建閘洩水以

防潞嗣以阻于保定未果行而徐司馬亦不  
久去後遂無踵其議者以今地勢論之龍堂  
灣為文邑至窪之處通縣之水俱可由此歸  
淀若仿照徐司馬原議于該處建閘二座以  
時啟閉復為立圍田製水車寔力行之何患  
不成樂土耶

謹按捷地與濟而減河自  怡賢親王奏請建  
設五洞減水石閘各一座。至乾隆二十六年。

高宗純皇帝巡幸山東舟經閘口見運河底水寬裕恐  
開牆有所壅蔽

諭令改開為壩並將龍骨海漫落低一尺有奇三十餘  
年來暢流無阻仰維

睿慮精詳固宜永遵弗替惟是運河河底通年日漸增  
淤壩口石海漫漸形低矮渾流所過如龍骨高  
則泥沙淤於下而不致旁流其淤減河也輕龍

肯低則雖遇小汛而泥沙悉行灌注汛期一過淤積至於數尺故雖有歲修而淤多費少挑挖為能盡淨此減河之所以日就淺窄也善議者總緣從前改壩出自

高宗聖裁未敢輕議更張但今昔情形迥乎不同倘蒙  
據實陳奏上荷

聖明鑒察因時制宜或可仰邀

俞允俾青滄減河兩堤仍准改為閘座遇大汛則啟放洩水水弱則閉板以濟運歲修既可節費而

減河不致頻淤實於河道民生均有裨益

丹書咸河歷年久遠河身淤積迨滿傷日河槽亦寬八丈今僅存三之五  
丈不等河底較之堤外高者丈許今則從堤內開挖用者利而需費大者  
導從堤外行水高則渠南堤北則渠外堤就一面現有之堤不過築  
堤一面其需費極高若於兩挖舊河向塘疏導則水倍暢利故今擇其  
漸修其事而此作不敢妄議存其說以俟將來

濁水不宜分派

治水之道合則極分則弱惟濁水不宜分派而或於執禹疏九河之說以  
為辯論夫九河之近海者亦止寥寥數條之遠雖多疏之而亦為病焉  
上將則異是竊見漳水至唐平邱縣境內分派四出頻見遷徙自  
歸併洹陶合為一流遂為派順軌漳汭有完固之鐵燈竿一分支  
故其流不久而旋淤今僅存城下流一脈漸武河獻境內不計  
淤塞下流之域張家莊以下多為淤土二派今之派已淤而支派

小漢治豈非明驗乎然分派之說亦有不可偏廢之處如  
子年郭阿同自康寧四十二年

聖祖仁皇帝親臨查閱建有減水石閘兩等親公其地相度形勢  
壩門龍骨甚高惟盛漲水以過水並非分派以入新河也又天津  
紅橋一帶舊有引子入運河道西有隔淀疊道東建木橋故  
壩盛漲之時水橋均令淺水隔淀疊道已成溝此又下將不妨分  
流之謂也然入海之水不致多淺上將一流不宜分道是

在治者相其宜而用之耳

河間不宜水田

直隸水田之與自宋河矩置井內以引水溉田其後雖而引者五  
元則有虞集脫之在明則有徐貞卿汪應蛟張國彥顧養



泣左先斗諸人我

國朝 怡賢親王奏請設三營田各官以經理其事凡歲墾  
一畝利一歲靡不濟流圩岸遍獲豐饒獨何以不及河間  
至昔汪公按云瀛海若家河下流視江南澤國不異若建南通  
渠引水田數萬頃其說本於徐貞明矣然本於元虞集  
國朝宰相國光地志云上之河間宜興水田未得請元止論者謂  
河間至瀛海而疏且多河濬行田之利未小施而其說固光  
而要其水田之利豈不亦豈不係乎是夫圩田築堤皆煩  
人力畧之惰其難置之荆揚宜稿之鄉海海不能以時  
修濬猶獲石田安能多穩必米於歲勤勤勤鼓勇力作何  
患不成決土而壅今言水過不同耳河間舊為唐河下  
將又有滹沱支流往其地源流不絕可以引而灌故元明

之間羣臣與水剽田之說迄明季

國初唐澤之派漸弱故雖有建議旋即中止今之河蓋沿流  
不由河間河境既去恒流墊福自非可宜即唐泮二河開挖  
溝通以爲西南一帶漕水宣洩之道其水去潞水田  
藉非此地土質異宜受時候有異用也

○ 津靜運河西岸宜設隄防

南運河北岸均有大隄獨西岸自獨流鎮以北至天津郡城  
向止有商人捐築小隄寬不過三尺自乾隆初年天津張觀  
察坦然創不力於沿河議良以運河遇盛漲正松此等  
隄岸聽其冲入淀池免致漫溢耳桂林陳相國宏謀  
乃監日時接張觀察之子謂是為運河天然滾水大  
壩因而仍之且為之沉以宣示不力築隄故前哲經營

○  
善識遠慮固永堪師宜獨是者曰：中運入淀其時淀地  
深廣是以亭蓄翕受津城既平中突之慮運漲亦免泛溢  
之患最者曰固必不有漲也今淀地淤積迨滿西來之水  
已難容納水漲則車漫歸運以故嘉慶六年淀水穿運而  
過靜邑東隅亦被冲刷故交不惟不受淀地之害蓄之益  
反受淀地之害自宜有以障之使淀自淀而運自運  
亦不相入乃有保漕艘往來之通然亦必以添權家口減河庶  
運可方免漲溢且必得修復隔淀登底淀水不能東溢漫此  
故交工程缺一不舉不能濟也計自獨流至楊柳青四十  
里自楊柳青至天津三十五里皆若接築大堤此亦今昔  
情形不同之處也

疏天津七閘引河分海河盛漲

海河綿長一百二十里溪廣產漲潮汐迎之則逆而上即為  
貢河迤邐河也南岸有晉道舊設七閘視水盈虛以時  
閉開原以導南窪之水入海而歸海今海河河底日漸高仰  
南窪地勢反低即遇海河水弱之時窪水不能入河以故  
天津城南諸水恒滿海先一青龍車水中查七閘之下向  
俱有以水淹十餘道今並淤積其甚故道均加開濬  
以白塘口之鹹水沽舊河為鹽運導之東口由中堂窪一  
帶分導海河咸陽是懷河以此七閘三至口自不改十分  
壅滯必分減之也惟七閘既開南窪之水必多有淤滯  
撈御方不改於南轉使及青靜也或以開海之土培成形  
堤水束成河在故之時南板不宜也撤去撤恐傳道窄  
狹不能容也

開溝疊道

古人傳述、利便核相承、咸係相受、水脈則以疏導為濟輸、水消  
則以挑濬為奠治、立此中界、土地不宜然亦視其土性之宜否  
耳。前制府胡宮傳勸民挑挖地塘、開溝壩、蓋通又置造水  
車教民運用、而其法卒不修、其河也歲輔土疏、吾朋南挖泥  
成一遇雨水旋即塌陷、水車之以岸高、水低、取於陸運、順開溝  
壩通者有益於於懷、而不久而官傳逝世、地方有司遂  
妄竄力繕、升升夫開溝壩蓋通非祇為壩通計、此地之  
河近者必赴壑、自易其距、行就遠、區區而非有海涂  
以傳運、其停滯、處館一隅、二港阻隔為患、故為壩通  
而開溝、而所開之溝、不必相度地勢、使溝中有水、宣洩而  
後能收溝之益、是兩得實、水利中而不利、事今試  
以壩通工程計、最亟莫如安肅和南北獻和半家橋

南鄭州近北景州城北奇處果能尋其去路引水通于海  
俾膠河通之受其益者豈僅在商旅哉

淀泊淤地不宜耕種

畿輔地方平行河道縱橫入海之途惟海河一門全賴大澤以容  
蓄眾流漕運歸海計畿內大澤有六曰大陸澤曰寧晉泊曰西  
淀曰東淀曰塌河淀曰七里海皆能收束眾流緩其奔突之勢實  
水通之關鍵眾流之綱領也今大澤不止澤之方而亦其相為  
表裏諸水利其所以此為先務矣近北泊為澤沱淤塞大半  
漸成平陸東淀受澤河之水而淤水廣而淺塌河淀七里海為民  
佔種而淀中多圩田甚或以耕種井料地方有司受其惑昧不  
知阻遏水道其害甚重惟未積其源區區于耕種之地未能  
悉其法去是而不知不詳查必有實在阻塞水道之處宜亟  
為鑿挖永行禁止乃為有益

畿輔地方廣闊河道縱橫應修之處指不勝屈  
既不可枝枝節節治之致有上通下塞顧此失  
彼之病然同時並舉工作浩繁經理亦慮難周  
自應分別緩急次第興修謹將應修各工分列  
於後

### 急工

廓清東淀撈淤并芟刈葦根水草 一

總論第三條

添樁家口減河以分入海之勢 二

總論第二條

修復紅橋以西陽淀壘道 三

子牙河篇中

第十條

開挖子牙正夫二河并濬新河

子牙篇

疏子牙河故道并三夫黑龍港

開勝芳中亭二河

第の條

開河間唐洋二河

定州唐河疏歸故道

塞冶河入濬之路以助濬

第三條

開清苑滿城境內金線河

疏挖趙北口迤東清河口一帶河道

修趙北口十二連橋并除西淀中圩田



修千里長隄并陽淀隄烹耳灣橫隄廣安橫隄

長城老隄賈口橫隄

十三

第の條

築滏陽河東隄

十四

第の條

文安龍堂灣建閘

十五

緩工

涿州巨馬河

西淀篇

良霸牝牛河

雄縣趙橋新立二村隄工

曹河并達省支流

瀑河并土游隄工

新安大殷澱旁二溝

濟七里海謂河等淀淤積

運河篇

猪龍河間段裁灣取直

疏通景阜一帶宣洩滙水各河

大名境內漳河

薊運河

還鄉河

海河疊道并開五座

天津砲臺七座

按天津為畿南泉水朝宗之

所地勢既低而海潮復來蕩擊激故前人起建

七星以鎮之

內鎮水者五鎮火者一鎮

火質為水口吉

星有關通省風水非祇天津一郡也水利既

興宜並修之故附載於末

水經注邑奴東極於海謂之邑奴菽其澤野有  
九十九澁按玉篇淺水為澁取水定之義故通  
作澁畿輔西北多山東南地方平衍大瀆之自  
西北來者如永定潮白巨馬諸水源遠流長夏  
秋漲發勢若建瓴而滄漳滹沱又滙南郡數十  
河之水來會羣集於海河一門入海向非有澁  
池為之容納將見暴漲奔騰泛濫為患矣是以  
古之治畿輔之水者必自澁始澁廓而後河有  
所歸甚矣澁為功大矣哉有俞受之量有傳蓄

之益有出送功有魚鱉蝦蟹菱荻片萑葦之利淀雖淺而地

則廣廣故能容淀既多則勢可分分即不猛故其來也無盈滿之虞其去也無奔突之患天造地設洵衆水之尾閘

神京之淵治也然而陵遷谷變水壅沙停昔之所為洪澤今有漸為田疇者昔之所為巨浸今有已成涓流者古淀之存十無三四矣噫素滄田滄海昨是今非況易遷善淤如永定潯沱諸水渾流所過有不漸增淤墊者乎以今淀言之最著

莫如東淀西淀三角淀白洋淀皆包并諸小淀  
控連數邑汪洋浩瀚欲求一一區別之難矣又  
考唐志云鄭州有九十九淀鄭州今屬任邱其  
地勢本極窪下縣志志所載淀名頗多然以一邑  
之地其潴水能有幾何況諸淀密布星羅散於  
邦畿諸郡地極廣遠唐志所載蓋指淀水匯聚  
之處而言非謂九十九淀盡在鄭州也即鄆道  
元所云雍奴野有九十九淀亦豈盡在雍奴哉  
聯不揣固陋考之圖籍按其方位凡淀之廣袤

大小存湮通塞有所稽核者悉就所知作九十  
九淀考惟是淀名不一或古有今無或古無今  
有或一淀而今昔異名或一淀而分見數州縣  
求其何者為古淀何者為今淀非若河道之有  
可參攷何較<sup>必</sup>妥為臆斷故所考得一百二十餘  
淀其中之分見而有確據者已歸并一條其餘  
並存之以俟博雅君子釐而正之

嘉慶五年歲在庚申冬十有一月

<sup>吳趨</sup>

沈聯芳謹識

石稿作嘉慶庚申十  
有一月吳趨沈聯芳謹  
識

九十九淀考

三角淀

元和沈聯芳載以編輯

在武清縣南八十里名筍溝一名葦洵即古雍奴水也周圍二百里方輿紀要其源曰范甕口王慶坨河掘河越深河劉道口河魚兒里河諸水皆聚於此東會直沽入海一統志古惟三角淀最大又當西沽之上故諸水皆會入於此今漸淤而小新志三角淀合相近諸淀泊總謂之東淀云



琅川淀

在東安縣南七十里白溝諸水下流也東入磨  
叉港

金盞兒淀

在通州北二十五里廣袤三頃水上有花如金

盞因名

不老淀

在三河縣西四里

東游香淀

一名油香淀在寶坻縣南八十里當北減河下  
游與鯽魚淀相毗連

### 沙家淀

在武清縣南五十里西至教家嘴子東至陳家嘴  
南至二光北至永定河慶北堤長約十里寬約  
八里永定河水之所潴也乾隆十九年方恪敏  
奏請於北岸六工洪字二十號掃工之尾閘開  
堤放水就近堤窪處順勢拖引河一道至五道  
口東南導歸沙家淀仍由鳳河轉輸入大清河

朱家淀

距武清縣五十餘里在沙家淀之東南西連沙家淀東至鳳河南至九道溝北至龐家庄長寬約八里亦為容納永定河水之區

葉家淀

在武清縣東南六十里半入天津縣境西北接朱家淀東南連鳳河寬廣五六里乾隆十五年永定河改移下口循南埝入此淀由鳳河連大清河

曹家淀

在鳳河東堤之西葉淀東南南至韓家樹西北至雙口約長十五里寬四五里不等為鳳河下游受永定潭流今漸淤為平地

漂流淀

東安縣志鳳河在縣東北四十里鳳窩村其水自縣西北草橋來又南流過縣之漂流淀

草頭沽淀

神堂兒淀

二淀俱在寶坻縣南二百五十里

尋思淀

在寶坻縣東南四十里

小淀

在寶坻縣東南三十里

塌河淀

一名大河淀北運河分減之水由筐兒港注之  
藉以蓄洩一統志在天津縣北四十里里周百  
里按此淀上無來源下通潮汐以陳家溝賈家

沽二河爲出納焉南北廣十五六里東西長二十餘里東南有小河一道出西堤頭迤城兒上入七里海乾隆二十九年方恪敏奏請挑濬舊志或隸武清縣或隸寶坻縣蓋一淀而跨二邑也

鯽魚淀

青角淀

二淀與七里海相近在北運減河下游

月河淀

在寶坻縣東南九十里

破淀

在寶坻縣東北五里

趙淀

在寶坻縣東北五里又故太平寨宇記薄沱河  
舊經文安縣西北三十里又東溢為趙淀按此  
當另有一趙淀也

地扒拉淀

在寶坻縣東北二里

蒙淀

在寶坻縣西十五里考河間府志任邱縣梁家  
庄亦有蒙淀今淤

蘓子淀

在寶坻縣西十八里

商王淀

在寶坻縣西三十里

水紋淀

在霸州東



得勝淀

下光淀

李子淀

大蘭淀

小蘭淀

五淀與水紋淀相接宋史河渠志沿邊塘灤東起信安軍永濟渠西至霸州莫金口合水紋淀得勝淀下光淀李子淀大蘭淀小蘭淀為一水衡廣七十里縱十五里皆巨泊也

高橋淀

在霸州東南七十里一名大浪淀周圍百里其西為栲栳圈衆流所聚也東南流為柳汊河入

文潏淀

文潏淀

在霸州東七十里舊名堂二淀東分二流形如八字亦名八字河下流俱入呂公河

廻淀

在霸州東南北寬八里東西寬二十七里

火燒淀

在文安縣東二十五里李家庄南廣四十餘里  
東北有石溝河柳河急河三河聚流於此東入  
衛河達於直沽又黃龍港自鎖井口開鑿至文  
安縣玳瑁口以通灤水經火燒淀轉流入海今  
淤為民田在千里長堤之右

石城淀

在文安縣東北四十八里

牛台淀

在文安縣東文安縣志貢士胡來聘補議余兩  
任學博世居牛台淀南岸當大寧橋水口之衝

白龍淀

慈老淀

黑母淀

落坡淀

四角淀

五淀皆在文安縣東北

漠漠淀

在文安縣左各庄之東石溝之西

### 三家淀

在大城縣東北五十里為文安靜海三縣之交  
文大之水由此北下明萬歷中靜海民築堤障  
水文大兩縣俱被水害縣令梁綱請於撫按開  
之畿輔通志王家口村東南岸有古河一道名  
三家淀河緣本堤出瓦子頭橋下迤邐東北與  
新河合新河康熙三十九年開在廣福樓之焦  
家口

李家淀

在大城縣北十里

麻窪淀

在大城縣北四十里跨文安境文安縣志麻窪

淀在司吉城南

荷花淀

畿輔通志在保定縣西北中多種蓮夏月盛開  
香聞十里又載雄縣西南十里有蓮花淀新安  
高陽諸水所匯也舊時任邛滋沙泥諸水漲溢

亦入此淀方恪敏疏稱蓮花淀在新安境又河  
間府志蓮花泊即荷花淀在任邱縣南三里舊  
志稱其有荷香十里柳陰交匝按保定雄縣新  
安任邱四縣均係接壤犬牙交錯淀跨四邑荷  
花蓮花之名二而一者也

糧料淀

在保定縣西北

素林淀

在薊州西今三河縣東薊州西有素林庄疑即

此地

長春淀

在灤州西南一百二十里長春社金史地理志  
石城有長春淀舊名大定淀大定三十年更

泡皮淀

畿輔通志橫河源出盧龍縣獨子山南逕橫山  
營又東至泡皮淀經榆山後至灤州偏涼汀合

灤水

海子淀



在新城縣東三十五里受紫泉斗門兩窪之水  
舊有小溝疏淀東注洺狹易淤

黑洋淀

在新城縣東南五十里

陽城淀

在望都縣東南今湮水經注博水出慶都縣其  
流旋伏旋見經陽城縣散為澤渚世謂之陽城

淀注於唐河

馬務淀

亦名馬草淀在雄縣東三十里

蒼耳淀

綠鬚淀

蒲淀

太平寰宇記瀛洲間大蒲淀下引水經注逸文  
云大蒲下導陂溝競奔咸注滹沱是以入因決  
入之處謂之百道口按古瀛洲地甚寬廣今雄  
縣任邱之交窪下沮洳疑即古大蒲淀  
三淀皆在雄縣境見保定府志

柴禾淀

一名柴伙淀在雄縣東南十里白溝長流高陽諸河胥匯於此

石臼淀

與蓮花淀相近

留通淀

在雄縣西十里

燒車淀

在雄縣西十餘里方恪敏疏有東西燒車二淀

隸新安縣即此

臺河淀

在雄縣北

褰子淀

在雄縣北傍新城邊界

五官淀

舊名武濫淀在雄縣南任邱縣東北舊時鉄燈竿之水由此而東入柴禾澗淀今湮

高家港淀

在雄縣見方恪敏奏疏

劉家淀

在安州西二十里石橋一畝諸水所匯也北接  
依城河

菱子淀

在安州東三十里匯唐溝沙三河分流入白洋

淀

蓼淀

在安州境

大滂淀

在高陽縣東馬家河所潴也周圍二十里保定府志作大滂淀在牛蹄窪之東

延福淀

在高陽縣西南十里接蠡縣界

馬棚淀

在高陽縣東北宋監馬棚牧地一云即潁項洗

馬池

羅漢淀

在高陽縣境

### 白洋淀

九河所匯在新安縣南二十里周六十餘里南  
高陽西安州東任邳北新安廣控四州縣而新  
安十數村居其中與圍白洋淀安州高陽任邳  
新安諸水俱匯流於此下達四角河方恪敏疏  
則分東西白洋二淀

### 襍淀

在新安縣西五里按舊志襍淀為雹河蘆草灣

水所潴蘆草灣乃九河外水其水更猛於九河  
蓋九河有道可循此則四散瀰漫也畿輔通志  
曰逆水一畝泉龍泉河玉安州善馬廟與徐河  
合流為依城河入襟淀

杜家淀

在新安縣南

鴨圈淀

楊家淀

王家淀



三淀在新安縣東皆與白洋淀相通

勞家淀

蔡家淀

梁古淀

落烟淀

考河間府志有落網淀與諸淀毗連總謂之四淀其為相傳之誤無疑烟網二字未知孰是

四淀均在新安縣境見方恪敏奏疏

大激淀

在新安縣西北五里即古大渥澱也水經注渥水上承二陂於容城縣東南謂之大渥澱小渥澱水南流注易水謂之渥同口雍正四年疏渠洩水營田數千頃為膏腴之地

### 殷家淀

即小渥澱也在新安縣東三里按保定府志大渥澱小渥澱俱隸容城縣

### 大麥淀

### 小麥淀

二淀俱在新安縣境見方恪敏疏

### 狼兒淀

舊志定興縣西南五十里間臺之西有狼兒淀  
地形窪下卽山之水渚焉蓋卽古監臺陂

### 邊吳淀

在安州西南卽邊家泊也今涇方輿紀要邊吳  
泊亦曰邊吳淀九河合流溢而爲泊城南舊有  
邊吳塔又有古堤在州城東北東自邊吳村而  
下接雄縣南自板橋而下接蠡縣皆以防九河

之決溢今廢

### 五千淀

在肅寧縣東南三十里舊志滋沙滙之水舊自蠡縣引流而東歷肅寧之五千淀而達於雄縣之尾濟河中堡王帶河二河皆其經流處也

### 洋東淀

與五千淀相連畿輔通志在肅寧縣東南三十里舊為鉄燈竿諸水散流所滙今湮考肅寧東南隅有馬窪周圍可二三十里疑即五千洋東

二淀也

凡察淀

在任邱縣西北三十里

前堂淀

後堂淀

二淀俱在任邱縣西北四十里方格敏奏疏則  
稱前堂在新安後堂在任邱任堂一作塘河間府

志作潭

北花淀

在任邛縣西北四十二里

池魚淀

絲窰淀

二淀俱在任邛縣西北五十里

光淀

在任邛縣西北五十里

龍王淀

在任邛縣西北六十里

三澣淀

在任邱縣東北十三里今淤

掘鯉淀

俗名掘柳在任邱縣北寰宇記掘鯉淀在鄭州  
北二十里俗名掘柳淀左思吳都賦掘鯉之淀  
狐狸淀

在任邱縣西北寰宇記淀中有蒲柳多葭葦按  
畿輔通志文安亦載狐狸淀考其方位是一淀  
而跨兩邑也

王家港淀

河洛淀

興隆淀

虎皮淀

將水淀

平陽淀

六淀均在任邱見方恪敏奏疏

居龍淀

在任邱縣北

葫蘆淀



在任邛縣司馬庄西金人詩葫蘆淀上八千家

金波淀

在任邛縣香城屯西

柳園淀

花草淀

二淀俱在任邛縣市庄南

八角淀

荒萎淀

二淀俱在任邛縣東庄

黑耳淀

在任邱縣河口庄

大連淀

在滄州齊乘滄州南有大連淀寰宇記清池縣  
舊有大連淀後魏延興二年淀水泛溢破作清  
村因潞為池水澄味鹹未嘗枯涸

李滌淀

在滄州唐書地理志清池西五十里有李滌淀  
淀東有隄永徽三年築

# 南淀

畿輔通志清河在青縣西南五十里其相近又有湛河泗河共三河皆無源為交河縣雨潦洩水之渠北至杈河口南二十里魚兒庄注於南淀今土人謂之魚兒窪雖旱不涸

# 卽淀

南皮縣志在縣東北四十里俗呼為蔡家窪凡河口水出皆聚此東洩

# 布裏淀

在高陽縣東二十里舊志馬家河在縣東即蠡縣楊村下流也上承滋泥沙三水舊自蠡縣東入河間明正德中自蠡縣決入縣界瀦為淀故又曰布裏河

### 麥子淀

乾隆二十九年方恪敏奏興水利其北運瀦減河  
北股由麥子淀會塌河淀水與西堤頭引河其  
地當在寶坻南天津東北

### 淮魚淀

在七里海東南為減河入蘆運海河之道乾隆  
二十九年奏請開挖

紀家淀

在勝芳河西其上即會全河之汊口也

勝芳淀

即勝芳河文安縣志并濟博條議濤漳二水溢  
河間東之古鹽河經大城東南又折而東北衝  
子牙舊河亂流而趨於文安之勝芳淀乾隆十  
九年秋永定河下口漫刷東老堤水歸勝芳舊

淀

信安淀

畿輔通志永定河下流入淀之後水渾泥停一  
淤而南信安勝芳等淀變為高原復淤而北策  
城新張諸泊墊為平地

天井淀

畿輔通志天井澤一名天井淀在定州境今湮  
又寰宇記水經注派水歷天井澤南水流所播  
為澤俗名天井淀

以條原稿刪

海沙淀

在直沽東明史盧溝東南有大河從麗莊園入  
直沽下海沙淀